



Tilleggsinnkalling  
av  
Formannskapet

**Møtedato:** 07.06.2017  
**Møtestad:** Osterøy rådhus - heradsstyresalen  
**Møtetid:** 13.00 - 18.00

Eventuelle forfall må meldast til Bente Skjerpings per tlf. 56192100, sms til eller per epost til bente.skjerpings@osteroy.kommune.no

Varamedlemmer møter berre etter nærare avtale.

**Sakliste**

<b>Saknr</b>	<b>Tittel</b>
055/17	Forslag til mandat for arbeidet med strategi for omsorgs- og butilbod for målgruppa 67+ med omfattande behov for helse- og omsorgstenester
056/17	Høyrings sak - Lokal forskrift tildeling av langtids plass i institusjon

11. juli 2019

Jarle Skeidsvoll  
ordførar

Bente Skjerpings  
sekretær

# SAKSPAPIR

Saksnr	Utval	Type	Dato
055/17	Formannskapet	PS	07.06.2017
	Heradsstyret	PS	

Saksbehandlar	ArkivsakID
Nina Marie Kvamme	17/937

## **Forslag til mandat for arbeidet med strategi for omsorgs- og butilbod for målgruppa 67+ med omfattande behov for helse- og omsorgstenesterr**

### **Vedlegg:**

Forslag mandat arbeid med bustad 67+ med omfattande..

### **Rådmannen sitt framlegg til vedtak:**

**Forslaget til mandat med milepælsplan for arbeidet med strategi for omsorgs- og butilbod blir teke til vitande**

### **Saksopplysningar:**

#### **Saksopplysningar:**

##### **Bakgrunn**

Vedtak i heradstyret desember 2016 om oppstart av arbeid med å revidere omsorgstrappa for å møte behovet for omsorgsbustader og liknande for gruppa 67+ i Osterøy kommune i perioden 2018 – 2030. Politisk verkstad 22.mai 2017, semje om å vurdere bygging av bustader eller bufellesskap. Det er og fatta vedtak om å oppretta ei politisk arbeidsgruppe for gjennomføring av arbeidet.

##### **Vurdering**

Rådmannen har utarbeidd prosjektplan med mandat for arbeidsgruppene.

Rådmannen vil organisere arbeidet slik:

**Vedtaksorgan:** Heradstyret

**Styringsgruppe:** rådmannen si leiargruppe

**Politisk arbeidsgruppe:** inntil fem medlemmer frå Heradstyret

**Administrativ arbeidsgruppe:**

- HTV Fagforbundet og NSF
- Sektorleiar helse omsorg og sosial
- Nestleiar sektor helse omsorg og sosial
- Einingsleiar Heimetenesta
- Einingsleiar Osterøytunet

**Ressurs:** Eldrerådet og Råd for menneske med nedsett funksjonsevne

**Avgrensing:**

Arbeidet skal avklare rammer for kommunen i høve bustadsosial handlingsplan og rullering av kommunedelplan helse, omsorg og sosial.

Arbeidet skal avklare omfang av omsorgsplassar knytt til ulike trinn i omsorgstrappa for gruppa 67+ med omfattande behov for helse- og omsorgstenester.

Arbeidet skal avklare dimensjonering av tenestetilbodet til heimebuande i målgruppa.

**Rammevilkår:**

Innhaldet i arbeidet må ha ein klar relasjon og vere innanfor rammene til det pågåande arbeidet med Kommuneplanen sin samfunnsdel. Arbeidet vil og danne deler av grunnlaget for rullering av Kommunedelplan for helse, omsorg og sosial, og bustadsosial handlingsplan som er under revisjon.

Folkehelse

Miljø

Økonomi

**Konklusjon**

Mandatet med milepælsplan viser plan for framdrift i arbeidet med å sikre tilstrekkeleg tal omsorgsplassar i perioden 2018-2030, for best mogleg kunne møte utfordringane knytt til behov og økonomisk handlingsrom.

# SAKSPAPIR

Saksnr	Utval	Type	Dato
032/17	Formannskapet	PS	03.05.2017
056/17	Formannskapet	PS	07.06.2017
	Heradsstyret	PS	

Saksbehandlar	ArkivsakID
Nina Marie Kvamme	17/878

## Høyrings sak - Lokal forskrift tildeling av langtidsplass i institusjon

### Vedlegg:

Forslag til Lokal forskrift om tildeling av langtidsopphald i institusjon

Høyringsinstansar - høyring om forslag til forskrift for tildeling av langtidsopphald i sjukeheim i Osterøy kommune

Lokal forskrift om tildeling av langtidsopphald i institusjon

Rådmannen sitt framlegg til vedtak:

Lokal forskrift for tildeling av langtidsplass i institusjon blir lagt ut til offentlig høyring med høyringsfrist 04.06.2017.

Etter høyringa blir forskrifta lagt fram for endeleg vedtak i heradstyret.

Forskrifta blir gjort gjeldande frå 01.07.2017, etter kunngjering i Norsk Lovtidend.

### Formannskapet - 032/17

FS - behandling:

#### AVRØYSTING

Rådmannen sitt framlegg vart samrøystes vedteke.

## **FS - vedtak:**

**"Lokal forskrift for tildeling av langtidsplass i institusjon blir lagt ut til offentlig høyring med høyringsfrist 04.06.2017.**

**Etter høyringa blir forskrifta lagt fram for endeleg vedtak i heradstyret.**

**Forskrifta blir gjort gjeldande frå 01.07.2017, etter kunngjering i Norsk Lovtidend."**

## **Saksopplysningar:**

### **Saksopplysningar:**

#### **Bakgrunn**

Stortinget vedtok i juni 2016 endringar i pasient- og brukarrettighetslova og i helse- og omsorgstenestelova om rett til opphald i sjukeheim eller bustad særskilt tilrettelagd for heildøgns tenester, kriterier og ventelister. Pasient eller brukar som fyller kriteria for tildeling av langtidsopphald eller opphald i tilsvarande bustad særskilt tilrettelagd for heildøgns tenester etter helse- og omsorgstenestelova §3-2 a, andre ledd, har rett til vedtak om dette, jf pasient- og brukarrettighetslova § 2-1 e, første ledd. Retten er knytt til helse- og omsorgsfagleg vurdering av kva tilbud som kan sikre pasient eller brukar nødvendige og forsvarlege helse- og omsorgstenester.

Endring i helse- og omsorgstenestelova § 3-2 a medfører plikt for kommunane til å utarbeide forskrift med kriterier for tildeling av langtidsopphald i sjukeheim eller tilsvarande bustad særskilt tilrettelagd for heildøgns tenester. Kommunen skal fatte vedtak om kriteria er oppfylt, og føre venteliste over pasientar og brukarar som ventar på langtidsopphald i sjukeheim eller tilsvarande bustad. Forskrifta skal og omfatte pasientar og brukarar som ville vere best tente med slikt opphald, men der det er forsvarleg at vedkomande bur heime i påvente av opphald. Kommunen skal då svare for korleis dei vil følgje opp i ventetida (jf lov om kommunale helse- og omsorgstenester §3-2 a).

Meininga med forskrifta er å bidra til å gjere tildelingsprosessen opnare og meir føreseieleg.

Regjeringa har som mål å:

- vesentleg styrke rettane til omsorgstrengande
- gjere tydeleg at alle med trong for omsorg skal få ei vurdering om rett nivå for denne, som ikkje er knytt til kommunen sin kapasitet
- legge sterkare press på kommunane, gjennom openheit om kriterier for tildeling og ventelister

#### **Vurdering**

Endringane i lovverket handlar om tildeling av langtidsopphald i sjukeheim og bustad særskilt lagt til rette for heildøgns tenester. I Osterøy kommune er det per i dag ikkje bufellsskap som særskilt er lagt til rette for heildøgns tenester. Bufellsskap for eldre med heildøgns tenester inngår i dag som helsetenester i heimen, og ikkje som helseteneste i institusjon som sjukeheim jf helse- og omsorgstenestelova § 3-2 a. Dei som bur heime i private bustader og omsorgsbustader, får tenester av heimetenesta. Heimetenester kan bli gitt heile døgeret, i hovudsak på fastsette tider utfrå brukaren sitt behov.

Osterøy kommune støttar utarbeiding av forskrift for tildeling av langtidsopphald i sjukeheim. Forskrifta er ikkje avhengig av diagnose, og gjeld i hovudsak for personar over 67 år. Osterøy har ulike tenester til personar med trong for helse- og omsorgstenester på dei ulike nivåa i omsorgstrappa. Dette for å kunne møte auke i trong for hjelp med meir omfattande tenestetilbod av ulik art. Osterøy kommune legg til grunn at prinsippet om beste effektive omsorgsnivå (BEON) skal følgjast ved tildeling av tenester. Dette har påverka utforminga av kriteria.

I vurdering av trong for helse- og omsorgstenester hos den enkelte har Osterøy kommune valgt å følgje gjeldande retningsliner og nasjonale føringar, dette gjeld og val av kartleggingsverktøy. Andre helseopplysingar som epikrise, heimebesøk, munnleg informasjonsutveksling gir og grunnlag for vurdering. Dei forholda som blir vurdert, er den enkelte si evne til omsorg for seg sjølv, mental tilstand, nettverk og kva omsorgsevne dette har, butilhøve, endring i helsetilstand og kognitiv funksjon. Dei ulike tenestene blir tildelt med bakgrunn i desse vurderingane.

For å bli vurdert for langtidsplass i sjukeheim, skal hjelpetrongen vere omfattande. Den skal vere vanskeleg å tidfeste, og andre tenester i omsorgstrappa skal vere prøvd og ikkje funne dekkande for nødvendige og forsvarlege helse- og omsorgstenester. Det betyr at dei fleste med middels til stor hjelpetrong vil få tenester i heimen så lenge dette er forsvarleg.

### **Om høyringa**

Det er ein måned høyringsfrist, og frist for å gi svar er 04.06.2017. Høyrings svar skal sendast skriftleg til [postmottak@osteroy.kommune.no](mailto:postmottak@osteroy.kommune.no). Merk svaret med «Svar på høyring om forskrift om tildeling av langtidsopphald i sjukeheime i Osterøy kommune».

Høyringa er open, og både organisasjonar og privatpersonar kan svare på denne. Oversikt over høyringsinstansar ligg som vedlegg. Vi ber om at alle bidreg til å videresende høyringa dersom det er nokon som manglar på lista. Høyringsnotatet ligg tilgjengeleg på kommunen si heimeside.

Folkehelse – ingen endring i høve situasjonen i dag

Miljø – ingen endring i høve situasjonen i dag

Økonomi – ingen endring i høve situasjonen i dag

### **Konklusjon**

Med bakgrunn i det ovannemnde har sektor Helse, omsorg og sosial utarbeidd forslag til forskrift.

Sektoren vil sjå til at denne blir informert om i befolkninga, mellom anna blir den presentert for eldrerådet 25.04.17. Den vil og bli lagt ut på kommunen si heimeside i høyringsperioden.

Høyringsfristen er ein måned, og frist for å gje høyrings svar er 04.06.2017. Sektorleiar har ansvar for at høyrings svar blir teke med når saka skal opp i formannskapet 07.06.2017. Forskrifta trer i kraft 01.07.2017, etter vedtak i heradstyret 21.06.2017.